

ও কি এল, ও কি এল না—
বোঝা গেল না, গেল না ।
ও কি মায়া কি স্বপনছায়া—ও কি ছলনা ।
ধরা কি পড়ে ও রূপেরই ডোরে ।
গানেরই তানে কি বাঁধিবে ওরে ।
ও-যে চিরবিরহেরই সাধনা ।
ওর বাঁশিতে করুণ কি সুর লাগে
বিরহমিলনমিলিত রাগে ।
সুখে কি দুখে ও পাওয়া না-পাওয়া,
হৃদয়বনে ও উদাসী হাওয়া—
বুঝি শুধু ও পরম কামনা ॥
এ কি স্বপ্ন ! এ কি মায়া !
এ কি প্রমদা ! এ কি প্রমদার ছায়া ॥

Parjaay: Mayar-Khela, Taal: Dadra, Raag: Bhairavi-Ramkeli
Visit www.geetabitan.com for notation and other detail